



NAFARROAKO
Aldizkari Ofiziala

2020. urtea

53. zenbakia

BEREZIA

Igandea, martxoaren 15a

A U R K I B I D E A

ORRIALDEA

ORRIALDEA

1. NAFARROAKO FORU KOMUNITATEA

1.1. XEDAPEN OROKORRAK

1.1.3. Foru Aginduak

- 26/2020 FORU AGINDUA, martxoaren 13koa, Hezkuntzako kontseilariak emana, hezkuntza eremuan neurriak hartzen dituena koronabirusaren (COVID-19) egoeraren eta bilakaeraren ondorioz. 3586
- 4/2020 FORU AGINDUA, martxoaren 14koa, Osasuneko kontseilariak emana, osasun publikoko jarraibide eta prebentzio neurriak hartzen dituena koronabirusaren (COVID-19) egoeraren eta bilakaeraren ondorioz. 3586

1. NAFARROAKO FORU KOMUNITATEA

1.1. XEDAPEN OROKORRAK

1.1.3. Foru Aginduak

26/2020 FORU AGINDUA, martxoaren 13koa, Hezkuntzako kontseilariak emana, hezkuntza eremuan neurriak hartzen dituen koronabirusaren (COVID-19) egoeraren eta bilakaeraren ondorioz.

Osasun Ministerioak, 2020ko martxoaren 12an, autonomia erkidego guztiei gomendatu zien euste neurri indartuak hartzeko. Hezkuntzaren esparruari dagokionez, horrek esan nahi du irakaskuntzako jarduerak presentziala eta hezkuntza arloko jarduerak osagarriak bertan behera uztea hezkuntza maila guztietan.

Osasuneko kontseilariaren martxoaren 13ko 3/2020 Foru Aginduaren bidez, osasun publikoko jarraibide eta prebentzio neurriak hartu ziren koronabirusaren (COVID-19) egoeraren eta bilakaeraren ondorioz.

Foru agindu horrek agintzen du hezkuntza jarduerak presentzial guztiak bertan behera uzteko ikastetxe eta ikasmilla guztietan, eskolako jarduerak zein eskolaz kanpokoak, zero urtetik hasi eta unibertsitate mailaraino, hori barne, hala ikastetxe publikoetan nola pribatueta, baita hezkuntza arloko jarduerak osagarriak ere.

Bestalde, Lehendakariak, Berdintasuneko, Funtzio Publikoko eta Barneko kontseilariaren martxoaren 12ko 47/2020 Foru Aginduaren bidez, baita emana zen COVID-19 dela-eta neurri batzuk hartzeko Nafarroako Foru Komunitateko Administrazioaren menpeko lantokietan (2020ko martxoaren 13ko Nafarroako Aldizkari Ofiziala).

Ezarritakoaren ondorioz eta hezkuntzako zerbitzu publikoak ematearen berezitasunak ikusirik, egokitzen dituzten dela neurri jakin batzuk hartzea aipatu zerbitzua ematen dela bermatzeko, ahal den neurrian. Egokitzen dituzten dela, halaber, beharrezkoak ez diren zerbitzu osagarriak bertan behera uztea, interes publikoko arrazoiak direla-eta.

Horrenbestez, Nafarroako Gobernuari eta Lehendakariari buruzko abenduaren 3ko 14/2004 Foru Legeak ematen dizkidan eskudantziak erabiliz,

AGINTZEN DUT:

1. Eskumenak hartzea.

Hezkuntzako, Lanbide Heziketako eta Hezkuntza Baliabidetakozuzendari nagusien eskumena hartzea, foru agindu honen edukia ondorioetarako.

2. Nafarroako Foru Komunitateko ikastetxe guztietan hartu beharreko neurriak.

Ikastetxeetako arduradunek behar diren antolaketa-neurriak hartuko dituzte ordutegi-aldaketei, antolaketari eta taldeak esleitzeari dagokienez, ikasleei irakaskuntza-arreta ez-presentziala bermatzeko. Nolanahi ere, Batxilergoko 2. mailako ikasleei ematen zaie lehentasuna.

Irakasleak eta irakasle ez diren langileak ikastetxera joan dira, agintzen zaizkien zereginak egiteko ikastetxeetako arduradunek zehazten dituzten ordutegietan.

Aurreko bi paragrafoetan ezarritakoa aplikatzeko izan den osasun arloko agintaritzak hartutako neurriekin bateragarria den neurrian.

3. 3 urteko ikasleen matrikula egiteko epea luzatzea.

Hezkuntzako zuzendari nagusiaren abenduaren 5eko 185/2019 Ebazpenaren bidez ezarri zen zein izan den, funts publikoekin finantzatutako ikastetxe publiko eta pribatu itunduetan ikasleak onartzeko prozeduraren baitan, hurbiltasun linealaren irizpidea, haren balorazioa eta aplikatuko den gehieneko distantzia, zer herritan aplikatuko den eta zein izan den ikasleen batez besteko gehieneko erlazioa eskola unitate bakoitzeko, bai eta, horrez gain, zein diren prozeduraren jarraibideak, egutegia eta ereduak ere, Nafarroako Foru Komunitatean Haur Hezkuntzako bigarren zikloko eta Lehen Hezkuntzako ikasketak egiteko 2020-2021 ikasturtean (2020ko urtarrilaren 14ko Nafarroako Aldizkari Ofiziala). Ebazpen horren arabera, 3 urteko ikasleen matrikula egiteko epea martxoaren 25etik apirilaren 8ra bitarte izan den da, biak barne.

4. Eskola-egutegia aldatzea.

Hezkuntza Departamentuak aldatzen ahal du, beharrezkoa bada, 2019-2020 ikasturteko egutegia, baita ikasturtearen bukaerako antolaketa ere.

5. Garraioko eta jantokiko zerbitzu osagarriaren kontratuak bertan behera uztea, interes publikoko arrazoiak direla-eta.

Kontratu Publikoari buruzko apirilaren 13ko 2/2018 Foru Legearen 150. artikuluan ezarritakoekin bat, interes publikoko arrazoiak direla-eta bertan behera uzten dira garraioko eta jantokiko zerbitzu osagarriaren kontratuak

2020ko martxoaren 16tik (hori barne) hezkuntza jarduerak presentzialari berriro ekin arte.

6. Foru agindu honen aurka gora jotzeko errekurtsoa jar dezakete interesdunek, Nafarroako Gobernuari zuzendua, argitaratu eta biharamunetik hilabeteko epean.

7. Foru agindu hau Nafarroako Aldizkari Ofizialean argitaratzea.

8. Foru agindu hau igortzea Idazkaritza Tekniko Nagusira, Hezkuntza Zuzendaritza Nagusira, Lanbide Heziketaren Zuzendaritza Nagusira, Hezkuntza Baliabideen Zuzendaritza Nagusira, Hezkuntzako Ikuskapen Zerbitzura, Ikastetxeen Finantzaketaren, Ikasketetarako Laguntzen eta Zerbitzu Osagarrien Zerbitzura, ikastetxeetara eta garraioko eta jantokiko zerbitzu osagarrien kontratuak adjudikatuta dituzten enpresetara, behar diren ondorioak izan ditzan.

Iruñean, 2020ko martxoaren 13an.—Hezkuntzako kontseilaria, Carlos Gimeno Gurpegui.

F2003990

4/2020 FORU AGINDUA, martxoaren 14koa, Osasuneko kontseilariak emana, osasun publikoko jarraibide eta prebentzio neurriak hartzen dituen koronabirusaren (COVID-19) egoeraren eta bilakaeraren ondorioz.

Osasunari buruzko apirilaren 25eko 14/1986 Lege Orokorrak 26.1 artikuluan aurreikusten duenez, osasunerako berehalako arrisku ohiz kanpoko bat badago, edo susmatzen bada badagoela, osasun arloko agintariak egokitzen dituzten prebentzio neurriak hartuko dituzte, hala nola produktuak konfiskatu edo immobilizatzea, jarduerak bertan behera uztea, enpresak edo haien instalazioak itxia, bitarteko materialen eta giza baliabideen interbentzioa, bai eta osasunaren ikuspuntutik justifikatutaz jotzen diren beste guztiak ere.

Osasun Publikoari buruzko urriaren 4ko 33/2011 Legeak, berriz, 54.1 artikuluan ezartzen duenez, Osasun Publikoaren arloko Neurri Bereziei buruzko apirilaren 14ko 3/1986 Lege Organikoan aurreikusitako neurriak ezertan ukatu gabe, salbuespenez eta aparteko larritasunak edo presak agindutako egoeretan, Estatuko Administrazio Orokorrak, autonomia erkidegoetakoek eta Ceuta eta Melilla hirietakoek beharrezkoak diren neurri guztiak hartzen ahal du dituzte, zeinek bere eskumenen esparruan, legea betetzen dela ziurtatzeko. Horrez gain, 2. artikuluan ezartzen du, zehazki, agintaritzak eskudunak neurri batzuk hartzen ahal dituela ebazpen arazoituaren bidez, Osasunari buruzko apirilaren 25eko 14/1986 Lege Orokorrean aurreikusitakoa ukatu gabe; neurri horien artean aipatzen du bitarteko materialen edo giza baliabideen interbentzioa (b apartatua) eta jarduerak bertan behera uztea (d apartatua).

Osasunari buruzko azaroaren 23ko 10/1990 Foru Legearen 2.2 artikuluen arabera, Nafarroako Gobernuak Osasuneko kontseilaria osasun arloko agintaria da, besteak beste.

COVID-19 izeneko gaixotasuna dela eta, Osasunaren Mundu Erakundeak osasun publikoko larrialdi egoera deklaratu du, eta nazioarteko garrantzia eman dio. Gaur den egunean, ez dago txertoen bidezko tratamendu espezifikorik gaixotasun honetarako. Beraz, har daitezkeen neurriak hauek dira: batetik, infekzio iturria isolatzea, eta bestetik mugak jartzea kutsapena erazten duten transmisio mekanismoak.

Osasuneko kontseilariak martxoaren 13an eman 3/2020 Foru Aginduaren bidez, osasun publikoko jarraibide eta prebentzio neurriak hartu ziren koronabirusaren (COVID-19) egoeraren eta bilakaeraren ondorioz. Aipatu foru agindua 2020ko 52. Nafarroako Aldizkari Ofizialean argitaratu zen, martxoaren 13koan, eta neurriak Iruñeko Administrazioarekiko Auzien 2. Epategiak berretsi zituen, egun bereko auto baten bidez.

Ministroen Kontseiluak, martxoaren 14an, 463/2020 Errege-dekretu bidez, alarma egoera deklaratu du, COVID-19 birusak eragindako krisi egoera kudeatzeko. Osasun Ministerioak, bestalde, gomendioak eman dizkie autonomia erkidego guztiei. Azkenik, positiboan kopuruak gora egin du Nafarroan. Horiek horrela, eta Nafarroako Foru Komunitatearen errealitate espezifikoiari egokitutako neurriak zehazteko helburuz, bidezkoa da Nafarroako Gobernuak Osasuneko kontseilariak prebentzio neurri eta jarraibide batzuk ematea justiziarako, hezkuntzarako, haurrentzat eta gizartearentzat oro har, egokituz oraino egoerara, birusaren hedatzeari eusteko eta, horrela, ez dadin gehiago zabaldu, eta babesteko, bestalde, bereziki kalteberak diren pertsona-taldeak. Neurri eta jarraibideak aplikatzekoak zaizkie, halaber, espektakulu publikoak, josteta-ekitaldi eta aisialdiko jarduerak, merkataritzakoak, ostalaritzakoak, kulturei, erlijiozkoak, kirolekoak edo antzekoak, kontuan izan gabe titularra, kudeatzailea edo antolatzailea publikoa edo pribatua den. Hori guztia osasun publikoak babestearren

eta COVID-19 koronabirusaren epidemia gure erkidegoan transmititzeko arriskua ahal den gehiena gutxitzearen.

Osasunari buruzko azaroaren 23ko 10/1990 Foru Legearen 2.2 artikuluari jarraikiz,

AGINTZEN DUT:

Lehena.—Nafarroako Osasun Publikoaren eta Lan Osasunaren Institutuak proposaturik, honako prebentzio neurri hauek ematea:

1. Publikoari ixtea justizia-jauregien eta bake-epaitegien bulegoak, deusetan galarazi gabe funtsezko zerbitzuei eustea, Justizia Ministerioarekin eta Nafarroako Justizia Auzitegi Nagusiarekin koordinatuta.

2. Publikoari ixtea haurrentzako aisialdirako lokal eta instalazioak eta ludotekak. Debekatzea haurren aire zabaleko aisialdirako eremu publikoetan eta/edo haur parkeetan sartzeta eta horiek erabiltzea.

3. Publikoari ixtea Nafarroako liburutegi publikoen sarea eta kudeaketa edo titulartasun publikoko museoak.

4. Ixtea titulartasun publikoko ikasleen egoitzak eta gazteentzako aterpetxeak.

Bigarrena.—Ostalaritza eta aisialdiko jardueri eta kirol, kultura, gizarte, erlijio eta zezen ekitaldiei dagokionez, honako jarraibide hauek ematea:

1. Publikoari ixtea tabernak, jatetxeak, kafetegiak eta gainerako establezimendu baliokideak, COVID-19 birusak eragindako osasun krisia kudeatzeko alarma egoera deklaratzeko duen Errege Dekretuaren I. eranskinean deskribatutakoak. Hori horrela izanik ere, eman ahal izanen dituzte etxetz etxeko bidalketa-zerbitzuak edo lokalean jasotzeko zerbitzuak.

Aipatutako itxierak ez die eragiten hotel-establezimenduetako jate-txe-zerbitzuei, baldin eta establezimendu horien bezeroei soilik zuzentzen bazaizkie, ez eta funtsezko zerbitzu publikoak emateko instalazioetako establezimenduei ere.

2. Txikizkako merkataritzari dagokionez, COVID-19 birusak eragindako osasun krisia kudeatzeko alarma egoera deklaratzeko duen Errege Dekretuan xedatutakoa beteko da.

Nolanahi ere, elikagaien eta behar-beharrezko produktuen txikizkako saltokien jarduera bermatuko da, esate baterako fruta dendak, harategiak, arrandegiak, okindegiak, farmaziak, estankoak, gasolindegia, kioskoak eta elikagai dendak.

Azalera handien kasuan, elikadura establezimenduak eta behar-beharrezko produktuen establezimenduak soilik egon ahal izanen dira publikoari irekita.

3. Ixtea zinemak eta antzokiak, joko establezimenduak, kontzertu aretoak eta auditoriumak, azoka esparruak, aisia eta entretenimendu establezimenduak –jai-aretoak, diskotekak, pubak, ikuskizun kafeak eta baliokideak–, elkarte gastronomikoak, peñak, aisialdirako gunak pribatuak (esate baterako, gaztetxeak, lokalak, txabiskeak, piperok edo baliokideak) eta Donejakue bideko aterpetxeak, baita gainerako establezimendu baliokideak ere, COVID-19 birusak eragindako osasun krisia kudeatzeko alarma egoera deklaratzeko duen Errege Dekretuaren I. eranskinean deskribatzen direnak.

4. Bertan behera uztea espazio itxi edo irekietako jendaurreko ikuskizun, josteta eta aisialdiko ekitaldi kolektiboak, eta kultura, erlijio, zezen eta kirol jarduerak edo antzekoak, kontuan izan gabe titular, kudeatzaile edo antolatzaile publiko edo pribatu batek eskaintzen dituen.

Nolanahi ere, kulturako, hiletetarako eta zeremonia zibil eta erlijiosotarako lekuetarako, gehienez ere heren bateko edukiera ezartzen da, baita tanatorio eta beilatokitarako ere, eta gehienez 25 pertsona hileta segizioari laguntzeko.

5. Ixtea kirol instalazio, pabilo eta esparruak, gimnasioak eta igerilekuak, bai eta gainerako establezimendu baliokideak ere, COVID-19 birusak eragindako osasun krisia kudeatzeko alarma egoera deklaratzeko duen Errege Dekretuaren I. eranskinean deskribatutakoak.

Era berean, bertan behera uztea kirol ekitaldi profesionalak eta ez-profesionalak, nazioko eta nazioarteko lehiaketetakoak, edozein maila eta kategoriatakoak.

Hirugarrena.—Taldea berezi batzuen babesari dagokionez, honako jarraibide hauek ematea:

1. Bertan behera uztea adinekoentzako eguneko zentroen irekiera eta egoitza zentroetako eguneko egonaldiak; baita egoitzak ez diren adinekoentzako jolas izaerako zentroen irekiera ere, esate baterako adinekoentzako etxeena, klubena eta bizikidetzeta eta aisialdi zentroena.

2. Egoiliar bakoitzeko bisitari bakar bateko muga paratzea adinekoentzako, adingabeentzako eta desgaitasuna duten pertsonentzako egoitza zentroetan, zentroko zuzendaritzak zehaztutako ordutegian. Muga hori aplikatuko da salbu eta banakako inguruabarrenatik bidezkoa denean zentroaren zuzendaritzak zainketa eta humanizazio neurri gehigarriak hartzea.

3. Adinekoentzako eta desgaitasuna duten pertsonentzako egoitzetan sartzeta debekatzea arnas infekzio akutuen sintomak (eztula, sukarra edo arnas zailtasun akutua) dituzten pertsonen.

4. Bertan behera uztea adineko pertsonen eta desgaitasuna duten pertsonen zuzendutako taldeko jarduerak edo jardura kolektiboak.

Laugarrena.—Foru agindu honetan deskribatutako neurrien indarraldia hamabost egun naturalekoa izanen da, deusetan galarazi gabe ondorengo luzapenak edo irizpide epidemiologikoen arabera har daitezkeen bestelako neurriak.

Aurretik deskribatu ez den guztiari dagokionez, COVID-19 birusak eragindako osasun krisia kudeatzeko alarma egoera deklaratzeko duen Errege Dekretuan xedatutakoa beteko da.

Bosgarrena.—Frogatutako zirkunstantziak beharrezko egiten badute, osasun publikoaren eskumena duen organoak erabaki dezake gorago aipatu ez diren beste jardura batzuk ere bertan behera uztea.

Seigarrena.—Neurriok hartu dira helburu dituzten pertsona-taldeen osasuna babesteko; proportzionaltasunez aplikatuko dira, eta zerbitzuen erabiltzaileek eta beren familiartekoei dituzten eskubideak errespetatuz, bai eta zerbitzuotako langileenak ere.

Zazpigarrena.—Indarrak gabe uztea Osasuneko kontseilariaren 3/2020 Foru Agindua, martxoaren 13koa, osasun publikoko jarraibide eta prebentzio neurriak hartzen dituen koronabirusaren (COVID-19) egoeraren eta bilakaeraren ondorioz. Salbuespena lehenengo puntua izanen da, hezkuntza eta prestakuntza jardunari dagokiona.

Zortzigarrena.—Nafarroako Gobernuak ez du ukatzen foru agindu honetan aurreikusitako diren bestelako neurriak hartzea, osasun publikoa babestearren eta COVID-19 koronabirusaren epidemia erkidegoan transmititzeko arriskua ahalik eta gehien gutxitzearen.

Bederatzigarrena.—Foru agindu hau departamentu hauetako idazkaritza teknikoetara igortzea: Hezkuntza; Kultura eta Kirola; Garapen Ekonomiko eta Enpresariala; Eskubide Sozialak; Migrazio Politikak eta Justizia; Lehendakaritza, Berdintasuna, Funtzio Publikoa eta Barnea; eta Osasuna

Hamargarrena.—Foru agindu hau Nafarroako Aldizkari Ofizialean argitaratzea

Iruñean, 2020ko martxoaren 14an.—Osasuneko kontseilaria, Santos Induráin Orduna.

Nafarroako Aldizkari Ofiziala, Ezkirotz kalea, 20 bis, 31007 Iruña. Telefonoa: 848 42 12 50. Faxe: 848 42 12 40. bon@navarra.es

Argitaratzailea: Nafarroako Gobernua. Lehendakartzako, Berdintasuneko, Funtzio Publikoko eta Barneko Departamentua. Nafarroako Aldizkari Ofiziala
Argitalpen egunak: astelehenetik ostiralera, Nafarroako Foru Komunitateko jaiegunetan izan ezik
Tasak argitaratzeagatik: Tasa eta Prezio Publikoei buruzko Foru Legearen 35. artikulua

L.G. NA. 102-1990 • ISSN 2253-9654

Nafarroako Aldizkari Ofiziala